

漢書門
 三六〇八
 一六〇八
 一六〇九
 冊架函號類

內閣文庫
 漢書
 三六〇八
 一六〇八
 一六〇九
 冊架函號類

內閣文庫	
番號	漢 12608
冊數	160(27)
函號	300 211

十八上

0 1 2 3 4 5 6 7 8 9 10


A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale

G Y M

© Kodak, 2007 TM: Kodak







重校聖濟總錄卷十八

震澤汪鳴珂瑤圃全弟鳴鳳蘭圃校

程 勛懋哉校訂

諸風門

癰瘍風

白駮

白癩風

紫癩風

惡風

大風眉鬚墮落

大風出蟲

大風癩病

烏癩

白癩

癰瘍風

論曰癰瘍風之病其狀斑駁點點相連而大圓概似白駁而稍微也皆由風邪熱氣搏於脾肺二經流散肌肉使然也

烏蛇散方 治癰瘍風頸面斑駁

烏蛇 酒浸去皮 骨炙二兩 秦艽 芎藭 各一兩半 王不留行

人參 山梔子 枳殼 丹皮 白芷

元參 犀角 鎊各一兩 升麻 防風 菊花 白

蘚皮 黃芩 蒺藜子 炒去刺 各半兩

共為散每日溫酒調下三二十九食後臨臥服

雄黃散塗方 治癰瘍風面頰頸忽生斑駁其狀如癰

雄黃 硫黃 白礬 並研如粉 各一分

三味合研勻以鍊成豬脂調和塗上

硫黃散塗方 治癰瘍風及赤白癩風

硫黃 研半兩 砒霜 研 膩粉 各一分 蒼耳實 一合為末

四味細研入生薑汁半合調令勻少少塗之切勿令近口目

附子散塗方 治癰瘍風身體斑駁

附子

一枚大者
去皮生用

硫黃

研半兩

蒼耳苗

一握
乾者

三味搗研為末以米醋調先以布巾揩瘍上即
以藥塗之乾再塗

烏蛇散方

治癰瘍風狀似白癩

烏蛇

酒浸去
皮骨炙

研為散炒黑豆半合以無灰酒浸去滓取豆酒
調服三錢空心食前各一

油麻酒方

治癰瘍風

油麻

不拘多少
多少用

取半合生細嚼以熱酒三合至五合下每空

日午各一服加至一合服百日疾愈

巴豆塗方

治癰瘍風面頰頸項忽生斑駁如癰

巴豆

去皮生
用一分 醃醋一合

先以新布揩令赤於酸沙盆內用醋膏巴豆如
稀膏塗於患上

女萎膏摩方

治癰瘍徧身斑駁

女萎

一分

附子

一枚去皮
臍生用

雞舌香

研半兩

木香

半兩

白芷

一分

五味搗研極細和勻以臈月豬膏七合於微火上煎鎔去滓投前藥末煎三四沸入研麝香一分攪調復煎三上三下膏成瓷器收貯每用少許摩之

硫黃塗方 治癰瘍風

硫黃

一兩

雄黃

半兩

硃砂

研

附子

一兩

生用

共研為末以苦酒調塗之

白駿

論曰白駿之病其狀駸斑如癰過於癰瘍但不成

瘡爾皆由風熱搏於膚腠脾肺二經不利也

菖蒲醞酒方 治白駿舉體斑白經年不差

菖蒲

九節者去鬚節米泔浸切一斤

天門冬

一斤

天雄

三兩

麻子仁

生用一升

茵芋

一斤

乾漆

炒烟出

生乾地黄

遠志

各三兩

露蜂房

去蘆頭

苦參

一斤

黃耆

八兩

蛇蛻皮

長三寸炙

石斛

去根各五兩

栢子仁

生用二升

獨

活 天蓼木

剉一兩

麤篩以水二石五斗煮菖蒲等取汁一石以釀一石二斗秫米蒸醞如常法用六月六日細麪

麴七月七日釀酒酒成去糟取清收於器中
蜜覆每溫服四合至五合日二夜一更重煮苜
蒲并藥滓取湯淋洗所患處佳

白歛散方 治風頭項及面上白駮漸長如癬但

白紅色

白歛 炮 當歸 附子 各半兩 去皮臍 黃芩 乾薑

天雄 各一兩 去皮臍 羊躑躅 半兩 蒸 燻焙乾

擣羅為散每服半錢至一錢酒調下日三

治白駮傳方

雌黃 石硫黃 各一兩 研如粉 蛇蛻皮 一條大 者燒灰

同研細用醋調成膏先以巴豆一粒中截以平
處磨令皮起然後傅藥三兩徧即差

治頭項及面上白駮漸長如癬但不成瘡宜用此
傅方

桂 去麤皮 一兩

研為末每用半錢或一錢以津唾和傅於白駮

上日三

治面項身體白駮傳方

鮎魚 一頭約重半斤去腸肚淨洗後一依鮎法用鹽椒葱梗米飯勻拌即用青荷葉

裹作三包各用蒲片繫

更用荷葉包裹令大臭爛先以布拭白駮令赤

次炙鮎包熱熨令汗出以綿衣包無令風冷所

傷

蛇蛻皮方 治周身白駮漸長似癬但不成瘡

蛇蛻皮 一條大者

炒熱按摩白駮時時呷唾數百徧棄之田野草

中

面項身體白駮風塗淋方

生木樹腔中汁 柳樹為上

淨鍋煎熱洗淋之仍便擣桂牡蠣末津唾和傅

項面上

鰻鱺魚塗方 治頸項及面上白駮浸淫漸長如

癬狀但不成瘡

鰻鱺魚 一條肥者

炙令脂出先將白駮用物揩拭之令小痛然後

用魚脂塗

治白駮礬石塗方

礬石一分 石硫黃一分

二味同研如麪用好醋調和如膏塗之

大蛇皮塗方 治面項身體白駮風

蛇蛻皮大者燒作灰 石硫黃研 槲皮燒作灰

三味令研極細以清熟酒調和勿令稠鞭薄塗

白駮處欲塗藥時先以巴豆中截用平處摩令

皮微起然後傅藥

白癩風

論曰白癩風之狀皮膚皴起生白斑點是也由肺臟壅熱風邪乘之風熱相并傳流榮衛壅滯肌肉久不消散故成此疾也

烏蛇散方 治白癩風身體癢麻

烏蛇酒浸去皮骨炙三兩 白殭蠶炒 胡麻子 獨活

天麻各二兩 烏頭去皮臍 細辛 防風去 桂

枳實 蟬蛻 白附子炮各半兩 天南星一分

為散每服溫酒調二錢不計時候

苦參散方 治肺臟久積風毒皮膚生白癩

苦參 烏蛇 酒浸去皮骨 炙各三兩 露蜂房 松脂

附子 梔子仁 木蘭皮 各二兩

為細散每服溫酒調下二錢不計時候

防風湯方 治風熱熏蒸皮膚白癩

防風 地骨皮 王不留行 梔子仁 荆

芥穗 惡實 炒各一兩 甘草 炙三分 人參 生乾地

黃 各半兩

每服三錢入惡實根三寸同煎去滓溫服不計時候

玉粉膏方 治白癩風

白礬 石硫黃 各半兩

二味研為末醋調為膏塗患處

治白癩風方

杏仁 去雙仁不去皮尖生用

每日早晨爛嚼二七粒於白點處揩夜臥再用

治白癩風方

雞子 二枚和殼以米醋三升浸七日取白 石硫黃 研半兩 附子 去皮

臍生用一枚 粟米 重半兩者 錢二

共四味將後三味擣羅為末以前雞子白調如稀糊臨用藥先以葛布揩患處令赤塗之

石硫黃膏方 治白癩風及膚斑白毛髮亦變

石硫黃

墨

各一兩半

擣研為細末先以布揩患令赤醋調藥成膏塗之若作瘡差後再塗

苦參膏方 治白癩風

苦參

鹽

各一分

研為末先以酒一升煎至四合入藥二味攪勻

慢火再煎成膏每用先以生布揩患處令赤塗之

紫癩風

論曰紫癩風之狀皮膚生紫點搔之皮起而不癢痛是也此由風邪挾濕客在腠理榮衛壅滯不得宣流蘊瘀皮膚致令色紫故名紫癩風

治紫癩風大效酸石榴丸方

酸石榴

十顆去皮以瓷盆盛飯上蒸爛取汁

梨

廿顆去皮核研絞取汁

羌

活人參

防風

乾薄荷葉

各一兩

羌蔚子

白附子 苦參 犀角鎊 烏喙去皮臍各半兩

共十一味除二味汁外擣羅為末將汁熬成膏和丸如梧桐子大每服二十九丸溫酒下不拘時

白花蛇散方 治紫癩風

白花蛇酒浸去皮骨炙二兩 麻黃去根節 天麻 何首烏

天南星 白附子 桂 草薺 白鮮皮

羌活 蔓荊實 白殭蠶 防風 犀角

鎊各半兩 慈石煨醋淬研一兩 原蠶蛾

擣研為散入慈石研勻每服二錢溫酒下

烏蛇散方 治瘡麻紫癩風

烏蛇酒浸去皮骨炙 防風 羌活 人參 元參

沙參 苦參 丹參 白附子 蒺藜子炒去

角各一兩

為散每服一錢溫酒調下

除風散方 治紫癩風

防風 蝎稍炒各一兩 白花蛇頭二枚酒浸炙

為散每服一錢溫酒調下

硫黃膏方 治紫癩風

石硫黃 不拘多少

研末用生薑汁同煎成膏每浴罷以藥指之令熱

五倍子膏方 治紫癩風點點相連

五倍子 一分研為細末 膩粉 二錢 砒霜 細研五分

三味同研勻以醋調為膏盛以瓷合每浴罷勻指患處速着衣慎風仍便洗手

附子硫黃散方 治紫癩風斑點

附子 生用去皮臍一枚 石硫黃 別研半兩

共研為細散入胡粉一分膩粉少許同繁縷汁和勻臨臥指三五遍早晨溫漿水洗不三五夜差

牡蠣散方 治紫癩風

牡蠣 膽礬 各半兩

二味生用為散醃醋調摩患處

胡桃塗方 治紫癩風并白癩風

初結青胡桃 一顆取外皮用 石硫黃 一皂子研如粉

二味先取胡桃皮切研如膏入硫黃末和勻塗

之

治紫癩風灰藿塗方

灰藿 不拘多少燒灰用絇襯 雄黃 丹砂

膩粉 麝香 蝦蟇灰 石硫黃 礬石 鍊

各一兩

共八味將七味同研如粉與鍊了灰藿濃汁攪煎如膏塗之乾即易膏鞭以醋潤之

治紫癩風羊蹄根塗方

羊蹄根 絞自然汁半合 生薑 絞自然汁半合 石硫黃 四錢研如粉

三味將二汁與硫黃末同研令粘塗患處一日不得洗不過兩上差

惡風

論曰惡風者皆五風厲氣所致也風有青白赤黑黃之異其毒中人五臟則生蟲亦有五種蟲生息滋蔓入於骨髓五臟內傷形貌外應故食肝則眉睫墮落食肺則鼻柱倒塌食脾則語聲變散食腎則耳鳴如雷鼓之聲心不受食食心則為不可治是故謂之惡風

白朮散方 治惡風無問新久四肢不仁一身盡痛頭目眩倒口面喎僻

白朮 人參 秦艽 當歸 天雄炮各三分 附

子去皮臍 乾薑炮一兩 烏頭二枚去皮臍 蜀椒去目并合口者

炒出汗 防風 桂 防己 草薢 白斂

桔梗 黃耆各二兩 山茱萸 麻黃去根節煎去沫焙乾

用茵芋 甘草炙三分 細辛兩半

為散每服二錢溫酒調下空心午時各一服未效再加漸增服之覺口唇瘡痺即減服之

治惡風殊聖散方

天麻 菖蒲大節者米泔浸焙乾 何首烏 乳香 菊

花 蔓荊實 仙人掌 威靈仙 地骨皮

胡麻 防風 枳殼去瓢麩炒 苦參 丹參

蒼耳 木荆子 益母草 烏蛇酒浸去皮骨 沙

參 人參 元參 紫參 荆芥各半兩

為散每服二錢溫酒調下食前後各一服隔宿先吃豬靨一枚早晨并服三服

治惡風胡麻散方

胡麻

一升去油者一半
煑熟一半生者

天麻

乳香

何首

烏

蒼耳

松花

角蒿

欵冬花

克顏

花

菖蒲

人參

苦參

元參

沙參

丹參

威靈仙

去土各
二兩

甘菊花

三兩

蔓荆實

紫參

二兩

為散每服二錢溫酒調下如病深漸加至三錢

服至旬餘若覺痛疼是效

治惡風五參散方

人參

沙參

丹參

元參

苦參

木通

蒺藜子

烏蛇

浸去皮
骨炙

乾蝎

天麻

赤

箭 何首烏

陳橘皮

各一兩

黃芩

半兩

原蠶

蛾

一分

並生用為散每服三錢熱茶調下服及半料即

減服二錢初服三日後先覺頭項脊脊身上疼

痛乃藥力與病相擊也當安臥兩復時許即無

事如或身上有瘡腫服藥一日後便覺漸減

治惡風天麻散方

天麻

防風

細辛

附子

藁本

烏蛇

酒浸 羌活 芎藭 菊花 未開者妙 桂 麻黃 去根

節煑去沫焙乾 乾薑 獨活 甘草 炙 阿膠 白

鮮皮 各半兩

為散每日空腹溫酒調服二錢加至三錢春夏煎當歸酒調下秋冬調蒲黃酒服

何首烏丸方 治脾肺風并惡風等疾

何首烏 石菖蒲 荆芥穗 蒼耳 胡麻

炒各一兩 元參 沙參 苦參 白花蛇 酒浸去皮骨

烏蛇 酒浸去皮骨各半兩

共搗研為末鍊蜜和丸如梧桐子大每服十丸

茶酒任下如要作散每服二錢溫酒調下不計時候

治惡風豆蒸丸

原蠶蛾 合者廿八枚批 羊靨 廿八枚批 豬靨 廿八枚

安息香 犀角屑 沒藥 人參 甘草 炙

何首烏 大黃 遠志 各一兩 角蒿 蒲公

草 蒼耳 地錦 益母草 土馬驤 枸

杞 白角蒿以下七味各一兩半治淨用黑豆蓋覆甑中蒸令黑豆軟熟不用豆將藥焙

乾

爲末入鵝梨汁并鍊蜜同和丸如櫻桃大每服
一丸不以時米飲嚼下

治惡風白花蛇散方

白花蛇

一條酒浸炙
取肉用三兩

露蜂房

微炙

苦參

防

風

丹參

梔子仁

山芋

各二兩半

秦艽

一分兩

爲散每日空心用溫酒調下二錢至三錢

治惡風威靈仙散方

威靈仙

二兩

丹參

六兩

羌活

一兩

獨活

一兩

蒼耳

四兩

仙靈脾

元參

人參

沙參

各二兩

兩

紫參

一兩

甘草

一兩

黃芩

二兩

爲散食後臨臥時溫水調下三錢若身體無瘡

眼瞳人不斷鼻梁不塌服之一料可差

蔓荊實方

治肺臟風毒發作如癩變成惡風證

蔓荊實

去白皮生用四兩

胡麻

研爲末炒熟半兩

天麻

二兩

菊花

未開者良生用四兩

天南星

枸杞

生用四兩

苦參

研取

粉四兩

爲散每服溫酒調下二錢日三夜一每服宜去

食稍遠恐藥食相犯

治惡風天蓼散方

天蓼葉焙乾一斤天麻三兩何首烏去黑皮酒浸王不

留行微炒各二兩

為散每服二錢以熱漿水調服日三不計時

治惡風玉粉丸方

礬石一兩研細生炊餅劑一枚

一二味和勻却作炊餅蒸熟乘熱丸如梧桐子大每服三十九丸食後茶清下

治惡風并療諸風勝玉散方

角蒿五月採者去根九蒸九暴為末胡麻九蒸九晒為末

一二味每一料用角蒿末一斤胡麻半斤更入乳香一兩別研為末拌和令勻每服一錢或二錢茶酒隨意調下

治惡風烏蛇膽汁方

烏蛇膽一枚冬瓜一枚截作五寸去瓢用梨一枚

三味掘地可深三尺掃拭令淨潔以物盛冬瓜置其中次安烏蛇膽梨於其上以物隔之用土

蓋覆三七日一看冬瓜未甚壞則候七七日看
蛇膽梨潭音臚化爲汁在冬瓜皮內卽取汁每服
溫一茶脚許小可風疾以匙頭溫過攪酒喫三
兩服愈

治惡風乳香散方

乳香研三錢 胡麻水淘去浮者一斤文火炒香 天麻慢火炙令黃色
三味擣羅爲散每服三錢飯後先抄着口內煎
荆芥茶旋呷旋嚙服五七日後覺徧身無力昏
悶時勿怪乃藥力也卽腰眼兩邊相去量病人

一寸半許各炙二七壯如麥大若鼻塌者用秫
黍枝子去皮中心通作眼安在鼻中身上有腫
處自消常服卽鍊蜜和丸如梧桐子大溫酒下
三五丸

治惡風如聖散方

胡麻二斤九蒸九晒 天麻一斤 乳香研 松脂 欵
冬花 旋復花 人參 蒼耳 元參 沙
參 苦參 紫參 丹參 松花 白茯苓
各半 木香 丁香 胡麻子花各一分

共擣羅爲散和勻每服三錢薄荷茶調下日三四服不計時候服藥五日徧身及百骨節疼痛起止不得乃見效也二三日後却得如及一月身體黑瘦方漸平復

治惡風癩病防風酒方

防風

一斤

天麻

五兩

黍米

一石

枸杞根

刮去麤皮

剉碎用

好麪麴

十五斤

共五味將天麻枸杞根防風三味用水六斗煮取三斗去滓置於不津器中將黍米依造酒蒸

饌蒸訖入麴末拌分三股如常法又槐白皮一斤細剉并用三年純黑猫一箇去皮腸肚外爛煮同剉槐白皮相和入酒酒熟壓去糟每服溫飲三四合至五合日二夜一

大風眉鬚墮落

論曰大風眉鬚墮落者蓋癩病也皆由惡風染著榮氣不清風濕毒氣浸漬肌肉致淫邪散溢癢瘙成瘡皮膚瘍潰鼻柱倒塌鬚眉墮落

枳殼散方 治大風癩病眉鬚墮落熱毒風入五

臟身體頭面生瘡

枳殼去瓢炒 黃耆 蒼耳 白朮 蒴藿 白

蒺藜炒 防風生用 升麻生用 梔子仁研三分

漏蘆 黃連 人參 天門冬 防己 乾

薑 芎藭 丹參 麻黃去根節 白芷 甘

草炙 葛根各半兩 元參堅者三兩 烏蛇酒浸去皮

共為末散每服溫酒調下二錢至三錢空心夜

臥服

白蒺藜散方 治大風惡疾或二年三年眉鬚墮

落手足疼悶骨節煩腫面色黑皮肉變白

白蒺藜 芎藭各二兩 山梔子去皮 防風各一兩

分 草薺 羌活 白芷 升麻各二兩 白茯苓

二兩半 遠志 菖蒲九節者米泔浸切焙乾 蔓荊實 細

辛 茵芋 芍藥 麻黃去根節 龍骨 人參

當歸 桂各一兩一分 白朮一兩 附子二兩 甘

草炙 桔梗一兩

為散每用溫酒調下二錢至三錢空心日午食前各一服如口乾舌澀喉裏烟生鼻中辛痛是

佳應也甚卽煎少許甘豆湯解之

皂莢丸方 治大風眉鬚墮落等疾

大皂莢

二斤不艸者酥炙過銀器內入水揉碎煎成膏入後藥

羌活

一兩

木香

草薺

二兩

附子

半兩

白牽牛

郁

李

去皮尖研

獨活

檳榔

用雞心者煨

大黃

剉炒

青橘

皮

去白

何首烏

各二兩

共十二味搗羅十一味爲末入皂莢膏和勻搗二千杵丸如梧桐子大暴乾常服生薑湯下二十九丸加至三十九丸病甚者稍增之

何首烏丸方

治風氣留滯皮膚不仁鬚眉墮落

多生瘡癬身體瘙癢等疾

何首烏

刮去黑皮十二兩

白牽牛

揀

乾薄荷

各三兩

肥皂莢

三斤一斤去皮子碎用法酒三斗浸二宿揉濃汁去滓銀石器中煮成膏一斤炭火燒令烟盡收於濕紐上盆蓋之候冷用一斤去皮酥炙令焦搗羅爲末

右四味搗研三味爲末用皂莢膏和劑浸膏盡

爲度熟杵丸如梧桐子大每服十五丸至二十

丸不拘時溫酒下日三服

蘇木煎丸方

治大風眉鬚墮落退皮去爪甲換

骨

蘇枋木 三兩杵碎後用法酒一斤煎至一碗去滓 附子 一枚去皮臍 烏

頭 一枚炮 天麻 酒浸一兩 草烏頭 半兩用鹽水浸 乾蝎 一分

酒 浸乳香 沒藥 研各半兩 雄黃 水飛過半兩

右丸味除枋木外擣羅為末將枋木酒和藥末

為丸如黑豆大每服五丸至七丸用淡豉湯下

衣被蓋出汗婦人用紅花酒下

白花蛇散方 治大風疾鬚眉墮落皮肉已爛成

瘡者

白花蛇 去皮骨酒炙 烏蛇 去皮骨酒炙 蠍乾 全者去土炒 白

僵蠶 炒各一兩 地龍 去土炒半兩 雄黃 醋熬研一分 蜈蚣 十五

條赤足全者炒 蠍虎 十五枚全者炒 蜜蜂 炒一分 丹砂 研一兩 黃

蜂 焙一分 胡蜂 炒一分 龍腦 研五分

擣羅為散每服一錢温蜜水調下日三五服

茵芋散方 治大風癩并癰疽疥癩骨肉疽敗百

節煩疼眉鬚凋落身體苦癢皆爛耳聾風疔齩

齒

茵芋 去蘆 附子 炮 天雄 炮 躑躅花 微炒黃色

細辛 去苗葉 輕炒 烏頭 炮 石楠 酒酒 微炒 乾薑 各半 兩

獨活 一兩 半 白朮 防風 菖蒲 九節者米泔 浸切焙乾

蜀椒 去目并合口者 炒出汗各一兩

為散每用溫酒調一錢日二夜一心腹稍空時 服若更增唇麻痺甚啜少許溫甘豆湯止之

梔子散方 治大風癩疾眉鬚墮落徧身痛麻手 攣縮

山梔子 二兩 半 芎藭 一兩 半 藁本 三分 當歸 蔓

荊實 各一兩 桔梗 一兩 三分 羌活 白蒺藜 白茯

苓 防風 各一兩 三分 側子 天麻 各半 兩

每日空心溫酒調下二錢加至三錢夜臥時再 服服至一料眉鬚再生

苦參丸方 治大風癩徧身癢癩如爛桃大作瘡 經年不愈重者毛髮脫落

苦參 十六兩 剉 取粉八兩 生乾地黄 焙乾 搗末 五兩 半 乳香 半 兩

炒鞭候冷再 與丹砂同研 丹砂 一兩 一分

右四味研勻鍊蜜和丸如梧桐子大每日空心 夜臥以溫水下二十九至三十九

防已散方 治大風癩眉鬚墮落及頭面瘙癢腹
中煩熱身上癰癢起如棗核疼痛生

防已 一兩 烏蛇 酒浸去皮 骨三兩 獨活 秦艽 黃

耆 丹參 去苗土 微炙 烏頭 炮 松脂 研 人參

苦參 白朮 桂 芍藥 各一分 芎藭

黃連 蒺藜子 炒去角 白茯苓 天門冬 去心 焙

葛根 各一兩半 乾薑 蜀椒 去目并合口者 炒出汗各一兩 元參

二兩

為散每日空心食前夜臥溫酒調二錢加至三

錢

羚羊角飲方 治大風癩身上生瘡并面部浮腫

眉鬚墮落四肢癢痺

羚羊角 鎊 甘草 炙各三分 獨活 山梔子仁 各一

兩 防風 一兩 枳殼 黃耆 蒺藜子 丹參

半兩 去苗 元參 少炒 木通 各一兩 一分

每服五錢水煎溫服每日早食後及夜臥各一

服

漏蘆湯方 治大風癩身體成瘡眉鬚墮落痞癰

瘙癢搔之黃水出

漏蘆

烏蛇

去皮骨酒浸

獨活

黃耆

白藜

白茯苓

生薑

大黃

剉碎醋炒各一兩

升麻

生用

麻黃

去根節煎去沫

枳實

芍藥

防已

元參

甘草

炙

附子

各三分

梔子仁

一兩一分

石膏

一兩半

剉如麻豆大每服五錢水煎溫服要利空心臨

臥各併二服

側子丸方 治大風癩眉鬚墮落身體上有瘡手

足脹悶癢痺攣縮鼻梁未壞者

側子

炮去皮臍一兩三錢

白芷

附子

天麻

龍骨

防風

各一兩一分

蔓荊實

一兩半

白蒺藜

炒二兩

白

木

炒一兩

人參

山芋

生乾地黄

當歸

各三分

分

共為末鍊蜜和丸如梧桐子大空心溫酒下三十丸日再服加至五十丸唇舌微痺為效慎避

外風

乳香丸方 治大風癩卒無眉鬚者

乳香

炒軟候冷研

人參

紫參

沙參

元參

苦參 研取粉 天麻 酒浸切焙 菊花 未開者 枳殼 各半兩

共研為末鍊蜜和丸如梧桐子大每食後酒下二十九日二夜一百日內差六十日內兩鼻中出血是候也

側栢丸方 治大癩令生眉髭

側栢葉 不計多少

九蒸九暴擣羅為末鍊蜜和丸如梧桐子大空心日午夜臥各一服熟水下五十丸百日毛生法製蓖麻方 治大風疾眉毛脫落

蓖麻子 去皮 黃連 等分

用黃連水浸七日每服四粒空心連水下服至一月覺四肢腫用鍼刺出水再服一月永除

栢脂醞酒方 治大風癩令生眉鬚

鍊成栢脂 十斤研為末 糯米 一石 細麩 十五斤

石灰 一石

先炒石灰以木扎著灰中試之火出為度以地骨皮剉五斗以水一石五斗煮取九斗半去滓以淋石灰三遍澄以灰汁和麩與栢脂粉拌米

用汁米麴栢脂粉多少一如常醞法次於淨器
著麴米汁粉在內密封四七日開去滓取清酒
每服五合至七合常令酒氣相接取效忌觸外
風冷其米泔及糟不得令豕畜食切記之

松脂醞酒方 治大風癩皮膚痒搔之落如麩片

宜安腑臟去胃中伏熱解咽乾舌澀除風痺虛
羸治眉鬚墮落久服輕身延年不老

松脂 二斗五升泰山 黍米 二斗 細辛 一十五斤半

糯米 五斗

右四味以水一石煎松脂浮上掠取入冷水中
却又入湯如此四五十度每五度煮卽須換湯
暴乾擣研作粉得一斗一升二合半鍊松脂初
醞法用水四斗浸麴麴發黍米一斗五升以松
脂粉拌飯一如常醞法相次成料每麴隨常醞
法入更炊一斗黍米拌松粉下第一料又相次
更炊糯米二斗同松粉拌和勻取其粉並須和
飯用盡每一斗米又粉一升五合相拌入熟後
壓去滓取清酒每服五合細飲日夜可四五服

漸漸加至一升溫任性飲之常令醺醺酒勢相
接又一方加杏仁五升去皮及雙仁者隨料均
分湯退去滓皮搗破研如膏入之佳

大風出蟲

論曰蟲動物也皆風之所化風入五臟化生五蟲
則成五癩入肝其蟲青人心其蟲赤入脾其蟲黃
入肺其蟲白入腎其蟲黑四蟲皆可治惟黑蟲為
難療或所傷未深專意治之亦差者

阿魏雷丸散方 治大風疾五臟生五蟲五蟲者

各隨五臟之色惟黑蟲為難治當先服藥出蟲
以驗其色

阿魏生用一分雷丸生三分雄黃研半兩丹砂研滑

石研石膽研各一分消石研半兩白欬犀角各

一分牛黃研半兩斑蝥各廿枚與糯米同炒去翅足米不用

為散每服一錢空心溫酒調下飢即食小豆羹
飯為良慎勿多食但半飽即止常宜覺飢若食
飽蟲出遲也日晡腹空時更服一錢若覺小便
似淋痛不問早晚即更服一錢大飢即食若覺

小便似痛澀即就一器中尿尿出看之其蟲或如爛筋狀各逐其臟辨蟲色也

雄黃散方 治大風癩於瘡內取風毒涎殺諸癩蟲塗傅

雄黃 白礬 紫石英 白石英 馬牙硝

太英元精石 金星石 銀星石 各一兩

以上八味同研為末入瓷合中固濟煨赤於濕地出火毒再研以生麻油調塗患處

麥飯石散方 治大風癩殺蟲

麥飯石 陽起石 禹餘糧石 紅皮石

密陀僧 不灰木 各一兩 蒲黃 炒 石灰 風化者

定州細瓷末 各半兩 砒霜 研一錢 鉛丹 青鹽 研

亂髮灰 各一兩 水銀 膩粉 各三分

同研令細以不見水銀星子為度每以生麻油調塗患處有風毒腫涎出為度不過一月效

治大風癩熏出蟲熟艾方

艾葉 別揉令熟 砒霜 研 水銀 與雄黃同研 膩粉 硫

黃 丹砂 研 阿魏 酒化去沙石麩和作餅炙 附子 雄

黃研細入水銀點醋再研令星子盡始入膩粉砒霜硫黃丹砂同研各一兩麝香研半豬牙皂角一斤去皮弦為末

共十一味除艾葉皂莢別擣為末外並合細研用紙四張先布次艾糝皂莢末次糝諸藥末卷刀切如餅餠著碗內燒以小木篋子籠碗以衣襯四邊坐於上熏以衣被遮壅定不令透出氣熱悶即俯伏

治大風癩出五蟲獨活散方

獨活三兩雄黃研半兩青黛研一分麻黃去根節煮去沫

半兩水銀一分與丹砂雄黃點醋同研以水銀星子盡為度阿魏生研一兩

雷丸 丹砂 滑石研各半兩石膽 牛黃 紫

石英研各一分斑蝥四十枚與糯米同炒去翅足米不用芫青四十枚與糯米同炒去翅足米不用

共一十四味研為散每服一錢空心溫酒調下不得飽食晚更服當有蟲從小便中出或當日或三四日至十日方出若瀉出赤蟲如爛櫻桃或如豆麥或瀉出黃虫似黃涕青蟲似青涕菜汁白蟲似馬尾蟲遇藥氣即死或隨大便下唯

黑蟲如豆豉汁此為難治

黑虎丸方 治大風癩疾下癩蟲

天靈蓋

塗酥炙
三兩

蝦蟇

去肚中物炙乾
塗酥再炙一枚

麝香

一分

桃仁

浸去皮尖雙
仁炒三兩

雄黃

二兩

人中白

研二兩

杏仁

去皮尖雙
仁六兩

共研為末鍊蜜為丸如梧桐子大空心日午服
蕪荑湯下二十丸至三十丸

通神散方 治大風疾凡是鼻梁未折服之蟲出

無不愈

